

## CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO E A ASOCIACIÓN ÉRGUETE PREVENCIÓN E INTERVENCIÓN EN CONDUTAS ADITIVAS

### REÚNENSE

Dunha parte, Alfonso Rueda Valenzuela, vicepresidente primeiro e conselleiro de Presidencia, Xustiza e Turismo, actuando en nome e representación da Xunta de Galicia, en virtude do Decreto 112/2020, do 6 de setembro, polo que se nomean os titulares das vicepresidencias e consellerías da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia.

Doutra parte, Carmen Avendaño Otero, actuando en nome e representación da Asociación Érguete Prevención e Intervención en Condutas Aditivas, inscrita no Rexistro Central de asociacións o 06.03.2007, co número: 2007/010338 (SC).

A Asociación Érguete Prevención e Intervención en Condutas Aditivas foi clasificada como de interese social por Orde da Consellería de Presidencia e Administración Pública de data 16.11.1999.

Ambas as dúas partes recoñécense mutuamente, na calidade con que cada un intervén, a capacidade legal necesaria para subscribir este Convenio, e para tal efecto,

### EXPOÑEN

**Primeiro.** – No Decreto 214/2020, do 3 de decembro, polo que se establece a estrutura orgánica da Vicepresidencia Primeira e Consellería de Presidencia, Xustiza e Turismo, e se determinan as súas competencias, atribúelle a este departamento, a través da Secretaría Xeral Técnica, entre outras, as competencias en materia de asociacións e fundacións.

**Segundo.** – O obxecto da Asociación Érguete é traballar para xerar oportunidades e prestar servizos a persoas e familias afectadas por condutas aditivas, disruptivas, e/ou de risco, impulsando a súa inclusión e fomentando hábitos de vida saudables.

**Terceiro.**– Esta Vicepresidencia Primeira e Consellería de Presidencia, Xustiza e Turismo ten interese en impulsar aquelas alternativas á cadea que en determinadas condutas dan resultados máis eficaces e poden garantir unha mellor reinserción, así coma en levar a cabo accións a nivel socioeducativo de cara a prevención de futuros ingresos en prisión, o abandono do mundo delitivo e o consumo de drogas.



**Cuarto.** - A Asociación Érguete vai desenvolver o Programa de Formación e Integración Social (PFIS), destinado a:

- Persoas con suspensión de condena
- Persoas con medidas alternativas a prisión (traballos en beneficio da comunidade)
- Persoas en 1º, 2º e 3º grao penitenciario
- Persoas con causas xudiciais pendentes
- Menores con problemas de consumo e/ou conduta
- Menores con cumprimento de medidas xudiciais (tarefas socioeducativas)
- Menores sancionados por tenencia de cannabis ou outras drogas

Ao abeiro do exposto, esta Vicepresidencia Primeira e Consellería de Presidencia, Xustiza e Turismo considera necesario colaborar coa Asociación Érguete Prevención e Intervención en Condutas Aditivas no Programa PFIS, pois é a través de programas de intervención socioeducativa como este, no que se intervéñ para analizar e restaurar as causas que levaron á persoa a adquirir condutas disruptivas, a forma de levar a cabo unha modificación de conduta e de hábitos de cara a unha inserción social satisfactoria.

Este departamento valora as actuacións desenvolvidas a través deste programa por canto se considera que é ao inicio da actitude delituosa ou cando aparecen as primeiras manifestación a nivel condutual cando a intervención pode ser máis efectiva.

En atención ao exposto non é posible promover a concorrència pública pola especificidade do programa a desenvolver.

**Quinto.**- A entidade cumpre cos requisitos para obter a condición de beneficiario da subvención de acordo có disposto no artigo 10 Lei 9/2007, do 13 de xuño, de subvencións de Galicia.

En consecuencia ambas as dúas partes acordan subscribir o presente convenio de colaboración con suxeición as seguintes:

## CLÁUSULAS

### PRIMEIRA. – OBXECTO

A través do presente convenio establécense as condicións polas que se rexerá a colaboración entre a Vicepresidencia Primeira e Consellería de Presidencia, Xustiza e Turismo e a Asociación Érguete Prevención e Intervención en Condutas Aditivas, para continuar coa colaboración na realización durante o ano 2021 do Programa de Formación e Integración Social (PFIS), destinado ao fins descritos no expoñendo cuarto deste convenio.



## **SEGUNDA.- Obrigas da Asociación**

A Asociación Érguete Prevención e Intervención en Condutas Aditivas, queda obrigada a destinar os fondos percibidos ao financiamento dos gastos de persoal necesarios para levar a cabo as actuacións referidas na cláusula primeira.

1. Consentir expresamente a inclusión dos datos relevantes deste convenio nos rexistros públicos que proceda, conforme coa disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, dos orzamentos xerais da CC. AA. para o exercicio 2006 e artigo 16 da Lei 9/2007, do 13 de xuño, de subvencións de Galicia.
2. Dar axeitada publicidade do carácter público do financiamento das actuacións obxecto do convenio, o cumprimento de tódalas condicións e obrigas recollidas neste convenio, e o sometemento ás actuacións de supervisión e control previstas nel, así como ás demais obrigas esixidas no artigo 11 da Lei 9/2007, do 13 de xuño
3. Prestar a colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma, ao Consello de Contas e ao Tribunal de Contas

## **TERCEIRA. – OBRIGAS DA CONSELLERÍA**

A Vicepresidencia Primeira e Consellería de Presidencia, Xustiza e Turismo, aboará á Asociación Érguete Prevención e Intervención en Condutas Aditivas a cantidade máxima de TRINTA E SEIS MIL EUROS (36.000 €) que se distribúen do seguinte xeito: VINTE E UN MIL CENTRO VINTE CINCO EURO (21.125 €) que se imputarán á aplicación orzamentaria 05.21.121A.481.1 (CP:2015 00089) e CATORCE MIL OITOCENTOS SETENTA E CINCO EUROS (14.875 €) que se imputarán á aplicación orzamentaria 05.22.131A.481.0 (CP: 2015 00089) dos orzamentos xerais da Comunidade Autónoma para o ano 2021.

## **CUARTA.- XUSTIFICACIÓN E LIBRAMENTO DOS FONDOS.**

A achega económica da Vicepresidencia Primeira e Consellería de Presidencia, Xustiza e Turismo realizarase nos termos requiridos no artigo 48 do Decreto 11/2009 do 8 de xaneiro, polo que se aproba o Regulamento da Lei de subvencións de Galicia, que establece que a conta xustificativa conterà, con carácter xeral, a seguinte documentación:

- 1.- Unha memoria de actuación xustificativa do cumprimento das condicións impostas na concesión da subvención con indicación das actuacións realizadas e os resultados obtidos.
- 2.- Unha memoria económica xustificativa do custo das actividades realizadas, que conterà:
  - a) Unha relación clasificada dos gastos e inversións da actividade, con identificación do acredor e do documento, o seu importe, a data de emisión e no seu caso a data de pagamento; no caso de que a subvención se outorgue conforme a un presuposto, indicaranse as desviacións producidas.
  - b) As facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pagamento.



c) Certificado de taxador independente debidamente acreditado e inscrito no correspondente rexistro oficial, no caso de adquisición de bens inmobles.

d) Os documentos acreditativos dos gastos realizados con medios ou recursos propios e a indicación, no seu caso, dos criterios de reparto dos custos xerais e/ou indirectos incorporados na relación a que se fai referencia na letra a), salvo naqueles casos en que as bases reguladoras da subvención previsen a súa compensación mediante un tanto alzado sen necesidade de xustificación.

e) Unha relación detallada dos outros ingresos ou subvencións que financiaran a actividade subvencionada con indicación do importe e procedencia.

f) Os tres presupostos que, en aplicación do art. 29.3 da Lei de subvencións de Galicia debera solicitar o beneficiario.

g) No seu caso, a carta de pagamento de reintegro no suposto de remanentes non aplicados así como os xuros derivados destes.

3.- Non obstante o anterior, cando por razón do obxecto ou da natureza da subvención non fose preciso presentar a documentación prevista no apartado anterior, as bases reguladoras determinarán o contido da conta xustificativa.

O representante da Asociación acreditará a realización das actividades financiadas estendendo certificación do cumprimento da finalidade para a que foi concedida a axuda.

Con anterioridade á xustificación da execución da actividade presentarase unha declaración do conxunto das axudas solicitadas, tanto das aprobadas ou concedidas como das pendentes de resolución, para un mesmo proxecto das distintas Administracións Públicas competentes ou das súas entidades vinculadas ou dependentes.

Á vista desta documentación, o órgano competente da Consellería expedirá certificación acreditativa do cumprimento dos fins obxecto do convenio.

En todo caso, a cantidade máxima que se obriga a aportar a consellería, se reducirá na mesma proporción que represente a cantidade xustificada respecto do orzamento total presentado.

Cando as actuacións obxecto do convenio fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas, de conformidade co establecido no artigo 28.6 da Lei 9/2007, de 13 de xuño, de subvencións de Galicia.

No caso de que se produza exceso das subvencións percibidas de distintas entidades públicas a Asociación deberá reintegrar o exceso xunto cos xuros de demora, nos termos que establece o artigo 23 do Decreto 11/2009 do 8 de xaneiro.

Procederá o reintegro parcial ou total da subvención nos casos previstos 33 da Lei 9/2007, do 13 de xuño, de subvencións de Galicia e concordantes do Decreto 11/2009 do 8 de xaneiro.

Ao abeiro deste convenio poderán financiarse os gastos nos que tivese incorrido a Asociación, como consecuencia da realización de actuacións acordadas co obxecto do convenio e que se



teñan efectuado con anterioridade á sinatura do mesmo, sempre que se trate de gastos correspondentes ao actual exercicio económico.

O prazo para presentar a documentación xustificativa da subvención será dende a formalización do convenio ata o 15 de decembro de 2021.

## **QUINTA. – PAGAMENTOS PARCIAIS E PAGAMENTOS ANTICIPADOS**

### **A) Pagamentos parciais**

A achega económica da Vicepresidencia Primeira e Consellería de Presidencia, Xustiza e Turismo poderá instrumentarse mediante pagamentos parciais, a solicitude da entidade, ata un máximo do 80% da contía total da achega, de acordo có disposto no artigo 62 do Decreto 11/2009 do 8 de xaneiro e 31.6 da Lei 9/2007, do 13 de xuño, de subvencións de Galicia, dentro do límite da respectiva anualidade orzamentaria e atendendo ó ritmo de execución da acción subvencionada estando exenta da constitución de garantía de acordo co establecido no artigo 65.4.f do Decreto 11/2009, do 8 de xaneiro

Para a realización de pagamentos parciais a entidade, deberá xustificar que se realizaron actuacións relacionadas co obxecto do convenio, así como o seu pagamento. Os pagamentos parciais quedarán condicionados ó resultado da liquidación definitiva.

De acordo co establecido nos artigos 11 d) da Lei 9/2007 e 22 do Decreto 11/2009, do 8 de xaneiro, antes de efectuar o pago parcial da achega económica da Administración Autonómica, a Fundación, deberá presentar unha declaración do conxunto de todas as axudas concedidas ou solicitadas para este mesmo fin, perante as Administracións Públicas ou outros entes públicos.

### **B) Pagamentos anticipados**

De acordo co establecido no artigo 31.6 da Lei 9/2007, do 13 de xuño, de subvencións de Galicia e no artigo 63.1.un, do Decreto 11/2009, do 8 de xaneiro, polo que se aproba o regulamento da Lei de subvencións de Galicia, poderán realizarse pagamentos anticipados cuxo importe máximo será o establecido no artigo 63.1.un do Decreto 11/2009, do 8 de xaneiro.

A concesión dos anticipos realizarase mediante resolución motivada, logo de solicitude da entidade beneficiaria na que esta fará constar as razóns en que fundamenta a necesidade do pagamento inmediato para poder levar a cabo as actuacións inherentes á subvención, así como o importe do anticipo solicitado, o cal non poderá exceder da cantidade expresada no parágrafo anterior.

Para estes efectos, a entidade beneficiaria da subvención regulada mediante este convenio, están exoneradas da constitución de garantías en aplicación do establecido no artigo 65.4.f) do Decreto 11/2009, do 8 de xaneiro, polo que se aproba o regulamento da Lei de subvencións de Galicia.

## **SEXTA.- COMPATIBILIDADE CON OUTRAS AXUDAS**

De acordo co disposto no artigo 40.1, letra d) a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.



## **SÉTIMA. - SEGUIMENTO DO CONVENIO**

Para facilitar o seguimento e cumprimento do convenio, constituirase unha comisión mixta paritaria, integrada pola Secretaria Xeral Técnica da Consellería e a Presidenta da Asociación, ou persoas que designen no seu nome, e un representante máis de cada unha das partes.

A comisión mixta ditará as súas propias normas de funcionamento, debéndose reunir cando o solicita algunha das partes.

As súas funcións serán:

- Interpretación do convenio
- Proposta, se é o caso, de addendas
- Intervención previa á resolución por incumprimento
- Coordinación das funcións das dúas administracións
- Calquera outras relacionadas co desenvolvemento deste convenio

## **OITAVA.- PUBLICIDADE**

Este convenio será obxecto de publicación de acordo co previsto na Lei 1/2016, de 18 de xaneiro, de transparencia e bo goberno da Administración pública galega. Así mesmo, incluírase no Rexistro Público de Axudas, Subvencións e Convenios, de conformidade co Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de presupostos xerais da Comunidade Autónoma para o ano 2006, e artigo 16 da Lei 9/2007, do 13 de xuño, de subvencións de Galicia.

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no mesmo, poidan ser publicados no Portal da Transparencia e Goberno Aberto.

En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicarase a subscripción deste convenio á Base de Datos Nacional de Subvencións, que opera como sistema nacional de publicidade de subvencións.

## **NOVENA.- RESOLUCIÓN**

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) Polo transcurso do tempo estipulado sen que se culminen as actividades obxecto da axuda.

De resolverse o convenio, a Vicepresidencia Primeira e Consellería de Presidencia, Xustiza e Turismo poderá, no seu caso, esixir o reintegro das cantidades achegadas. Igualmente, de conformidade có disposto no artigo 17.3 da Lei 9/2007, do 13 de xuño, procederá o reintegro do exceso percibido no suposto de que o importe da axuda, illada ou en concorrencia con



outras subvencións ou axudas, ingresos ou recursos, supere o custo da actividade subvencionada.

#### **DÉCIMA. – XURISDICIÓN**

O presente convenio ten natureza administrativa e as discrepancias que xurdan pola súa aplicación serán resoltas, previo informe ou proposta da comisión de seguimento, pola Vicepresidencia Primeira e Consellaría de Presidencia, Xustiza e Turismo, quedando as partes suxeitas á xurisdición contencioso - administrativa para a resolución de calquera conflito que puidese xurdir na súa aplicación.

#### **DÉCIMO PRIMEIRA. – VIXENCIA**

A vixencia do presente convenio estenderase dende a sinatura ata o cumprimento, polas partes, dos deberes asumidos. En ningún caso excederá do 31 de decembro de 2021, sen prexuízo da previsión contida na cláusula cuarta.

#### **DECIMO SEGUNDA. - Normativa aplicable**

O presente convenio rexerase polo disposto na Lei 9/2007, do 13 de xuño, de subvencións de Galicia e no Decreto 11/2009 do 8 de xaneiro, polo que se aproba o Regulamento da Lei 9/2007, de 13 de xuño de subvencións de Galicia.

E en proba de conformidade co expresado neste convenio, asíñase electrónicamente na data que figura á marxe.

O Vicepresidente Primeiro e Conselleiro de  
Presidencia, Xustiza e Turismo

A Presidenta da Asociación Érguete  
Prevención e Intervención en Condutas  
Aditivas

Alfonso Rueda Valenzuela

Carmen Avendaño Otero



**ANEXO I**

<b>PROCEDEMENTO</b>	<b>DOCUMENTO</b>
CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN SPÚBLICAS E XUSTIZA E A ASOCIACIÓN ÉRGUETE PREVENCIÓN E INTERVENCIÓN EN CONDUTAS ADITIVAS	ORZAMENTO PROGRAMA

<b>PROGRAMA</b>	PROGRAMA FORMACIÓN E INTEGRACIÓN SOCIAL
-----------------	---

**TEMPORALIZACIÓN DA ACCIÓN**

<b>DATA INICIO</b>	01/01/2021	<b>DATA FINALIZACIÓN</b>	31/12/2021
--------------------	------------	--------------------------	------------

**ORZAMENTO DE GASTO**

<b>GASTOS DE PERSOAL</b>	
RETRIBUCIÓN S ÍNTEGRAS E CUOTAS Á SEGURIDADE SOCIAL	35.280,00 €
<b>GASTOS CORRENTES</b>	
GASTOS CORRENTES	720,00 €
<b>TOTAL PROGRAMA</b>	<b>36.000,00 €</b>

